

摘藻堂四庫全書薈要

子部

欽定四庫全書薈要卷一萬一千七百九十二

子部

御定淵鑑類函卷三百四十四

居處部五

門

坊

門一

原釋名曰門捫也言在外為人所捫摸障衛也 爾雅

曰閉謂之門正門謂之應門 許慎說文曰門從二戶

象形也 又曰閭闔天門也楚人名門曰閭闔 又曰

閭里中門也閭市外門也 周禮曰司門掌授管鍵以

啟閉國門譏其出入 增又曰閤人掌守王宮中門之

禁 又曰師氏居虎門之左司王朝

注虎門路寢門也門畫虎以明勇猛

又曰天子有九門法陽九之義宮門有五法五行外門有四法四時合為九門一曰關門二曰遠郊門三曰近郊門四曰國門五曰臯門六曰庫門七曰雉門八曰應門九曰路門皆從外而數諸侯七門一曰關門二曰遠郊門三曰近郊門四曰國門五曰臯門六曰應門七曰路門魯以周公之故雉門兼天子應門制庫門兼天

子臯門制 原又曰掌舍掌王會同之舍設榱桷再重

設車宮轅門為壇壝宮戟門

築壇起土壝為宮則以戟為門

為帷宮設

旌門無宮則供人門

無宮陳列周衛則立長人以為門車宮惟宮注詳宮殿白帖中

增又曰太史閏月詔王居門終月

又曰季秋之月田

獵置罟羅罔畢翳餽獸之藥毋出九門

又曰門尹除

祭

又曰春官司常祭祀各建其旗會同賓客亦如置

旌門 原易曰重門擊柝以待暴客蓋取諸豫

又曰

艮為門闕

增書曰詢于四岳闢四門

又曰賓于四

門四門穆穆 又曰逆子釗于南門之外二人雀弁執

惠立于畢門之內 又曰王出在應門之內太保率西

方諸侯入應門左畢公率東方諸侯入應門右 原毛

詩曰衡門之下可以棲遲詩義問曰衡一本作橫門上

無屋謂之衡門 又曰迺立臯門臯門有伋迺立應門

應門將將 又毛萇詩注曰王之正門曰應門郭門曰

臯門 禮記曰大夫士出入君門由闌右不踐闕凡與

客入者每門讓於客客至於寢門則主人請入為席主

人入門而右客入門而左 鄭玄禮記注曰臯門庫門

雉門應門路門天子門也

天子五門臯門庫門應門路門有庫雉路則諸侯三門

應門漢書注曰內至禁省為殿門外出大道為掖門

掖者

言在司馬門之傍掖

增後漢書百官志曰城門校尉一人秩比

二千石掌洛陽城門十二所司馬一人千石主兵城門

每門候一人六百石其正南一門曰平城門北宮門屬

衛尉其餘上西門雍門廣陽門津門小苑門開陽門耗

門中東門上東門穀門夏門凡十二門 又曰衛尉卿

掌宮門衛士宮中徼巡事宮掖門每門司馬一人秩比千石南宮南屯司馬主平城門蒼龍司馬主東門朱雀司馬主南掖門玄武司馬主玄武門北屯司馬主北門東明司馬主東門朔平司馬主北門凡七門 又禮志曰皇太子加玄服設文武官門外位於順天門外道東西賓贊入立於太極門東西面元正以諸州貢物陳於太極門東 又曰仲冬之月講武於都外建旗和門如方色都墀之中及四角皆建五彩牙旗 風俗通曰開

城外郭內之里門也

開扞也言為人藩屏以扞難也

原三輔黃圖曰

東都有章城門直城門洛城門

增又曰長安城東出

南頭第一門曰霸城門民見門色青名曰青城門或曰

青門廟記亦曰青綺門東出第二門曰清明門一曰藉

田門以門內有藉田倉一曰凱門漢宮疏第二門名城

東門東出北頭第一門曰宣平門民間所謂東都門其

郭門亦曰東郭南出東頭第一門曰覆盎門又號杜門

其南有下杜城故名下杜門南出第二門曰安門亦曰



鼎路門南出第三門曰西安門一曰便門即平門也西  
出南頭第一門曰章城門亦曰光畢門又曰便門西出  
南頭第二門曰直城門亦曰龍樓門西出北頭第一門  
曰雍門本名西城門其水北入函里民名曰函里門北  
出東頭第一門曰洛城門又曰高門又名鸛雀臺門第  
二門曰廚城門北出西頭第一門曰橫門城門皆有掌  
候掌候時謹啟閉也 原漢宮殿名曰長安有宣平門  
覆盎門萬秋門橫門東都有宣德門禮成門青綺門章

義門仁壽門礪石門壽城門 增漢宮殿疏曰洛陽有

泰夏閭闔萬春蒼龍千秋景福永巷丙舍鴻都含華不  
老章臺濯龍定鼎之門 原洛陽故宮記曰洛陽有上

西門廣陽門津門小苑門開陽門中東門上東門司馬  
門北闕門玄武門南掖門北掖門東掖門西掖門止車  
門南端門金門九龍門白虎門春興門青瑣門金商門  
雲龍門神武門宜秋門 增洛陽宮名曰洛陽有飛龍  
含章建禮廣懷明禮閭闔南止車北止車東西止車西

華神虎金鎬神仙却非含德九華宜秋之門 漢官儀  
曰辟雍四門外有水節觀者門外皆有橋觀者水外故  
云園橋門也 漢典職曰尚書郎主作文起草晝夜更  
直於建禮門內 水經注曰魏武封於鄴城有七門南  
曰鳳陽門中曰中陽門次曰廣陽門東曰建春門北曰  
廣德門次曰廢門西曰金明門一曰白門鳳陽三臺洞  
開高三十五丈 又曰廣莫門漢之穀門也建春門即  
上東門也閭闔門即上西門也 漢宮紀曰上西門所

以不純白者漢家厄於戎故以丹縷之南直千秋門又  
宮門也又一水自千秋門南流經神虎門下對雲龍門  
又南經通德門又於洛陽南宮起太極殿於崇德殿之  
故處改雉門為閭闔門 原晉宮閣名曰洛陽有大夏  
門長春門朱明門青陽門 增陸機洛陽記曰太子宫  
在大宮東薄室內中有承華門 原古今地記曰河南  
有鼎門九鼎所定 增西京記曰大福殿重樓連閣綿  
亘西殿有走馬樓長百餘步樓下即九仙門 又曰太

極殿日月樓有日月華門 六典曰京城左河華右龍  
坻前終南後九峻南面三門中曰明德左曰啟夏右曰  
安化東面三門中曰春明北曰通化南曰延興西面三  
門中曰金光北曰開遠南曰延平 又曰東都城南面  
三門中曰定鼎左曰長安右曰厚載東南三門中曰建  
春南曰永通北曰上東北面二門東曰安喜西曰徽安  
皇城在西北隅南面三門中曰端門左曰左掖門右曰  
右掖門南面一門曰賓耀西面二門南曰麗景北曰宣

耀東城在皇城之東東宣仁南承福皇宮南三門曰應

天興教光政其內曰承元門上陽宮東面二門南提象

門北星躔門 玉海曰宋東京舊城南門曰朱雀崇明

東門曰麗正望春西門曰宜秋閭闔北門曰景龍安遠

天波祥符五年作保康門於朱雀門東新城南門曰南

薰普濟宣化廣利安上東門曰上善通津朝陽寅賓西

門曰順天大通開遠金耀咸豐北門曰通天景陽永泰

安肅西京宮城南三門中曰五鳳東曰興教西曰光政

東一門曰蒼龍西一門曰金虎北一門曰拱宸京城南  
三門中曰定鼎東曰長夏西曰厚載東三門曰羅門建  
春上東西一門曰關門北二門曰安喜徽安宮城東西  
有夾城東二門曰賓耀啟明西二門曰金櫃乾通皇城  
南三門曰端門左右掖東一門曰宣化西三門曰麗景  
開化應福 又曰祥符七年建南京城門曰重熙頒慶  
東二門曰延和昭仁西二門曰順城回鑾南一門曰崇  
禮北一門曰靜安中有隔城有門二曰承慶祥輝 又

曰慶歷二年建北城中門曰順豫東曰省風西曰展義  
東一門曰東安西一門曰西安順豫門內東西各一門  
曰左右保成班瑞殿前東西門二曰凝祥麗澤時巡殿  
前東西二門曰景清景和 又曰紹興二年新作行宮  
城門名南曰麗正北曰和寧 禁扁曰遼以幽州為南  
京有元和門南端門萬春門千秋門鳳凰門 又曰南  
京析津府城方三十六里崇三丈衡廣一丈五尺敵樓  
戰櫓具八門東曰安東迎春南曰開陽丹鳳西曰顯西



清普北曰通天拱辰大內在西南隅東曰宣和南曰大  
內內門曰宣教外三門曰南端左掖右掖皇城西門曰  
顯西設而不開北曰子北 王沂公上契丹事曰度盧  
溝河六十里至幽州號曰燕子城就羅郭西南為之正  
南曰啟夏東曰宣和 大金國志曰都城四圍凡七十  
五里城門十二每一面分三門其正門四傍又設兩門  
正東曰宣耀陽春施仁正西曰灝華麗澤彰義正南曰  
豐宜景風端陽正北曰通元會城崇智此四城十二門

也 又曰宮城四圍凡九里三十步自天津橋之北曰  
宣陽門內城之南門也中門繪龍兩偏繪鳳用金釘釘  
上有重樓制度宏大三門並立中門惟車駕出入乃開  
兩偏雙隻日開一門 攬轡集曰循東西御廊北行將  
至宮城廊即東轉又百許間其西亦有三門 又曰宮  
城之前廊東西各二百餘間分為三節節為一門 又  
曰門內有左右翔龍門及日華月華門 又曰前殿曰  
大安左右掖門內殿東廊曰敷德門又西曰會通門北

曰承明門又北曰昭慶門東曰集禧門其東西門左右  
嘉會門其北曰宣明門則常朝後殿門北曰仁政門常  
朝之所也 元大都京城門名正南曰麗正左曰文明  
右曰順成正東曰崇仁東之南曰齊化東之北曰光熙  
正西曰和義西之南曰平則西之北曰肅清北之西曰  
健德北之東曰安貞宮城正南曰崇天左曰星拱右曰  
雲從東曰東華西曰西華北曰厚載大內前宮正門曰  
大明左曰日精右曰月華西有麟瑞東有鳳儀寶雲東

北向曰嘉慶西北向曰景福大內延春在寶雲之後左  
曰懿範南對嘉慶右曰嘉則南對景福東曰景耀西曰  
清灝興聖宮正門曰興聖左曰明華右曰肅章宣則在  
延灝之北弘慶在凝暉之北隆宮正門曰光景左曰崇  
華右曰膺福青陽在翥鳳之北明暉在驂龍之北又  
曰大都宮南麗正門內千步廊可七百步建櫺星門  
輟耕錄曰隆福殿在大內之西興聖之前南紅門東西  
紅門宮各一繚以甃垣南紅門一東紅門一後紅門一

又曰厚載門北為御苑外周圍紅門十有五內苑紅門五御苑紅門四此兩垣之內也 明皇城門名城門

凡六曰大明門長安門長安右門東安門西安門北安門俗呼厚載門仍元舊也紫禁凡六曰承天門端門午門即俗所云五鳳樓也東曰左掖門西曰右掖門再東曰東華門西曰西華門北曰玄武門 春明夢餘錄曰午門之內有皇極門弘政門歸極門會極門雲臺門後左門後右門景運門隆宗門乾清門日精門月華門龍

光門鳳彩門景和門隆福門端則門基化門崇仁門順  
德門咸和門麟趾門千嬰門嘉德門蒼震門廣和門大  
成門遵義門仁蕩門義平門百子門螽斯門天一門順  
貞門崇本門徽音門關雎門寶善門蓮花門思善門慈  
寧門 宮殿額名曰南城中路曰永聚門昭祥門端拱  
門昭德門重華門廣愛門咸熙門肅雍門康和門麗春  
門其東長街曰廣順門中和門景華門宣明門洪慶門  
景和門其西長街曰興善門麗景門長春門清華門高

明門集祥門 又曰大仙都殿嘉靖二十八年建有大  
道門清虛門 野獲編曰南內禁垣之巽隅亦有首門  
二門以及兩掖門即景泰時禁錮英宗處所稱小南城  
是也 古和稿曰西宮既建有萬順門曦福門朗祿門  
永綏門含祥門成瑞門永康永順門常寧常和常喜常  
輝門攸順攸利門迎祉門納康門 國朝典彙曰嘉靖  
四十四年作玉芝宮宮門曰芝祥前曰寶慶

門二

原淮南子曰周文王作玉門言以玉飾也 增春秋曰

魯城凡十有二門北名上東左傳定公公斂處父帥郕  
人自上東門入是也西五門一曰鹿門臧紇斬鹿門以  
出是也三曰稷門圉人犖能投蓋於稷門是也南曰雩  
門左傳自雩門出蒙臯比而先犯之是也 原左傳曰  
楚子囊鄭子耳圍於桐門 又曰王叔之宰曰華門圭  
竇之人而皆凌其上其難為上矣 又曰鄭大水龍鬪  
於時門之外 增又曰周有圍門 又曰公及邾師戰



敗績邾人獲公胄懸諸魚門

又曰杞子自鄭告於秦

曰鄭人使我掌其北門之管

原越絕書曰楚門春申

君時造楚人從入故號楚門

吳越春秋曰子胥為吳

造大城陵門八象天八風水門八法地八窗

吳地記

曰閭闔門者吳王闔閭所作也名為閭闔高樓閣道後

由此出伐楚故曰破楚門

增水經曰蘇州府城西郭

門曰閭闔門夫差所作以天門通閭闔故名東城門曰

胥門子胥以諫死令抉其目懸北門以觀越兵之入故

名丘門以有干將墓在也本名將門後訛為匠門盤門  
古作蟠以吳嘗刻木為蟠桃象以壓勝越故名齊門吳  
為太子聘齊女思齊而病闔閭乃起望齊門令女遊其  
上故名 家語曰孔子觀乎明堂覩四門墉 莊子曰  
原憲居魯蓬戶不全桑以為樞 又淮南子曰北極之  
山有寒門 原魯連子曰先生見孟嘗君於杏之門  
史記曰金馬門者宦者署也門傍有銅馬故謂之曰金  
馬門 增又曰項羽召見諸侯將入轅門無不膝行而

前莫敢仰視

原賈誼書曰天子宮門曰司馬門

又

曰高帝瓜分天下以王有功之臣擇良日立諸侯洛陽

上東門之外

漢書曰陳平家貧以席為門然門外多

有長者車轍

增又曰張釋之為公車令太子與梁王

共車入朝不下司馬門於是釋之追止太子梁王毋得

入殿門遂劾不下殿門不敬薄太后聞之文帝免冠謝

曰教兒子不謹薄太后使丞詔赦太子梁王然後得入

又曰公孫弘元光五年對策天子擢第一拜為博士

待詔金馬門

漢書曰黃門郎屬黃門今日暮入對青

瑣門名曰夕郎

又曰趙婕妤居鉤弋宮太始三年生

昭帝任身十四月乃生上曰聞堯十四月而生乃命所

生門曰堯母門

漢武故事曰玉堂內殿十二門階陛

咸以玉為之門三層臺高十餘丈椽首構以璧為之因

名璧門

原又曰元帝為太子謹慎初居桂宮上急召

太子出龍樓門

張晏注曰門樓上有銅龍也

不敢絕馳道又曰太

液池南有辟門

說苑曰于公築治廬舍謂匠人曰為

我高門我治獄未嘗有冤後世必有封侯者令容高蓋  
駟馬及後定國果為丞相封西平侯 增應劭曰開陽  
門始成未有名宿昔有一柱來在樓上琅邪開陽縣上  
言縣南城門一柱飛去光武使人識視悵然遂堅縛之  
刻記其年月以名焉 後漢書曰光和元年詔召蔡邕  
及楊賜等詣金商門引入崇德殿就問災異 原又曰  
孔融曰鄭君里門四方所由觀禮其廣令容高車結駟  
名為通德門 世說曰楊修為魏武主簿作相國門始

構榱桷魏武自看使人題門作活字便去修見即令壞之既竟曰門中活闊字也王嫵門大也魏書曰文帝

初在東宮集諸儒於朝肅城門內講論大義侃侃無倦增又曰黃初元年幸洛陽帝居北宮以建始殿朝羣臣門曰承明陳思王詩謁帝承明廬是也蜀志曰臧

宮乘兵入小雒郭門歷成都城下

注漢武帝元鼎三年立成都郭十八門小

雒郭門蓋其數焉

吳志曰張昭諫孫權不從稱疾不朝權恨

之土塞其門昭又於內以土封之後權因出過其門呼

昭辭疾篤權燒其門欲以恐之昭更閉戶權使人滅火  
住門良久昭諸子共扶昭起權載以還宮 晉書曰賀  
循時廷尉張閏住小市將奪左右近宅以廣其居乃私  
作都門早閉晏開人多患之訟於州府皆不見省會循  
出連名詣循質之循曰見張廷尉當為言閏聞而遽毀  
其門詣循致謝 又曰江左不復晨賀夜漏未盡十刻  
開宣陽門平旦始開殿門晝漏上午刻皇帝乃出 又  
曰咸康元年四月帝觀兵於廣莫門分命諸將 南史

曰梁元帝令胡僧祐援王僧辨將發泣下謂其子玘曰  
汝可開朱白二門吾不捷則死吉則由朱門凶則由白  
門元帝聞而壯之後大敗侯景擒其將任約送江陵

周書曰武帝建德三年朝羣臣露門 隋書曰梁元會

廷尉三官與建康三官皆法冠玄服朝服以監東西中  
華門 又曰高祖初為定州總管先是定州城西門久  
閉不行齊文宣帝時或請開之以便行路帝不許曰當  
有聖人來啟之及高祖至而開焉莫不驚異 唐書曰



嘉豐公主與普寧公主同降有司具冊禮光順門 又  
曰員半千為弘文學士與路敬淳分日待制顯福門下  
又曰開元中上寶器詔置提象門 又曰天寶初韓  
朝宗為京兆尹分渭水入金光門 又曰至德三年改  
安上門為光天門及坊門有安字者悉改俄復舊 又  
曰代宗永泰元年九月庚寅觀浮屠像於光順門 又  
曰元和二年詔左神策軍新築夾城置元化門 又曰  
憲宗元和十五年七月乙巳詔今月六日是朕載誕之

辰奉迎皇太后於宮中上壽其日百僚命婦宜於光順門進名叅賀朕於光順門內殿與百僚相見永為常式

又曰長慶元年神都改造文昌臺及定鼎上東等城

門李昭德所制 會要曰元和元年十月平西蜀擒劉

闢以獻上御興安門觀之二年十月平浙西擒李錡至

闕下上御興安門詰其反狀十二年十一月平淮西擒

吳元濟以獻上御興安門大陳甲士旌旗十四年三月

斬李師道上御興安門受俘大和三年斬李同捷丁亥

御興安門受俘會昌四年八月平澤潞梟劉稹傳首京師十八日御興安門受俘 玉海曰乾德二年五月乙丑修大內丁丑明德門成先是同州節度使張美進材木及成命學士陶穀為之記 宋史曰開寶元年正月大內營繕畢賜諸門名上坐寢殿洞開諸門曰此如我心少有邪曲人皆見之 又曰太宗修大內令諸門對啟 又曰慶厯四年御迎陽門召輔臣觀圖畫八年三月御迎陽門召知制誥以至臺諫問得失 遼史曰聖

宗統和二十四年改南京宮宣教門為元和門外三門  
為南端左掖門為萬春右掖門為千秋 金史曰大定  
元年古雲以軍至中都同留守璋請至府議事英疑璋  
有謀乃陽許諾排節仗若將往者遂率騎從施仁門出  
見世宗於三河

### 門三

原濯龍

飛兔

表宏漢紀曰建初二年有司依舊典請封諸舅太后詔曰前過濯龍門見外家

車如流水馬如

遊龍吾亦不謹怒之但絕其歲

青綺

黃金

上詳序事 樂歌曰黃金為君門白玉為君堂

含章

建禮

洛陽故名曰

洛陽有含章門

銅龍

金馬

上詳序事 紀曰馬援奏曰武帝時

張瑩漢南

又曰有建禮門 善相馬者鑄作銅馬法獻之有詔

聽政

登賢

劉澄

立馬於魯班門外更名曰金馬門

川古今記曰魏武聽政殿前有聽政門

西暑 東陽

魏武帝魏武賦序曰王粲直登賢門

淮南子曰東北方土山曰蒼門東南方曰波母之山曰

陽門南方曰南極之山曰西暑門 晉宮闕名曰洛陽

城東門曰

廣德

明禮

洛陽故宮名曰洛陽有廣

東陽門

銅馬 石牛

上詳序事 為蜀守冰作

華陽國志曰秦孝王以李冰石犀五頭以厭水精一在市

橋門今謂

清明

閭闔

鄒道元水經注曰咸陽本離宮東出北頭第二門本名清

石牛門

明門 又曰閭闔漢之西上門

定鼎

望鍾

上詳序事 洛陽故宮名曰洛陽有望鍾門

仁壽

神仙

上詳序事 洛陽有神仙門名曰洛陽有神仙門

含德

承明

洛陽故宮名曰洛陽有含德門

晉宮閣名曰洛陽城有承明門

南端

北掖

並詳序事

敬法

崇禮

洛陽故宮名曰洛陽有敬法門 晉宮閣名曰洛陽有崇禮門

却非

會福

洛陽故宮名曰洛陽有却非門 又曰有會福門

析羽

印車

何尚之奏

曰王有九旗析羽為門謂之旌門猶以車為門謂之轅門 鄭玄注周禮曰王行次車以為藩則印車轅表門

授管鍵

修闔扇

上詳序事 禮記曰仲春之月修闔扇

建春

宜

秋 酈道元水經注曰穀水東經建春門石橋下即上東門也 一曰上升門 晉有建陽門 下詳序事

雲龍風虎

萬春千秋

卷三百四十四  
鄴道元水經注曰神獸門東對雲龍風虎一門衡楸之上皆刻

雲龍風虎之狀

洛陽宮舍

九重

三過

楚辭曰天之門兮九

記洛陽有萬春門千秋門

重禹三過其門

踦閭

拂闌

公羊傳晉二大夫相與踦閭而語注閭當

而不入孔子賢之

道門閉一扇一人在內一人在外曰踦禮君入門介

拂闌大夫中板與闌之間士介拂振凡入門近中為尊

旌儒

拘老

鄭玄字康成北海相孔融敬玄曰于公僅有一節猶戒高其門閭矧鄭公之德

而無四牡之路可廣開門衡令容駟馬左傳曰臧會讒於臧氏臧昭伯使逐之反犇執於季氏中門之外季

平子怒曰何故以兵

受命

諱名

春秋後語薛靖郭君田嬰嬖妾五月

入吾門拘臧氏老

五日生子文俗云此日生子及戶損其父妾匿養之文

長曰受命於天受命於戶何不高其戶晉書羊祜為

荊州卒後人為諱祐以戶為門

常閉 不完

孫敬常閉戶號閉戶先

蓬戶 不完

踰越

開闔

傳曰門不容車而不可踰越禮記戶開亦開戶闔亦闔

用

牲

與材

左傳秋大水用牲於門非禮也與之門材

善閉

必葺

善閉者無

關鍵而不可開

張雀羅

題鳳字

翟公罷廷尉賓客皆去門外可張雀羅嵇康與呂

安善後值康不在嵇喜延之不肯入題門上鳳字而去

銜書止

免胄下

帝王錄曰

有赤雀銜丹書止於昌戶秦師過北門左右免胄而下起乘者三百餘人王孫滿尚幼觀之言於王曰秦師

輕而無禮必敗過天子門不卷甲

魏勃埽

翟公題

魏勃埽齊相曹參門翟公復為廷尉賓客欲往題其門曰一貴一賤交情乃見

錫朱赤



容車馬

漢冊魏公九錫文曰以君翼宣風化華夏充實是用錫君朱戶赤戶以居

晉陳顗父訢立宅

門顗請容車馬後為主

厯金門

作銅戶

揚雄解嘲厯金門上

簿從事乘車馬以歸

王堂有日矣

列士傳曰吳王闔閭畏王僚之子慶忌作石室銅戶以備之

施行馬高

閉閤

晉武帝美顏含素行加光祿大夫門施行馬左傳子產曰高其閉閤

外不閉

閭無人

禮曰大道之行外戶不閉易闢其戶閭其無人

修鍵閉

僭旅樹

孟冬有司戒門閭修鍵閉必重閉也此言諸侯之禮大夫僭之

天子之禮臺

立不中

高為貴

論語立不中門禮有以高為貴者注位尊高則門高

于公

請高

仲舒稱大

于公門壞父老共治之于公曰少請其高詳序事語少異董仲舒曰苟

為詐而已不足稱於大君子之門  
注云仲尼之門故稱大君子門

侯嬴抱關 梅福

為卒

侯嬴隱於夷門為抱關者  
梅福變姓名隱吳市門

勇夫重閉 婦人不

出

上詳左傳 婦人送迎  
不出門見兄不踰闕

重門有閉 三戶盡閉

高

貌 王充論衡曰燕王在明光宮欲  
入所處三戶盡閉使二十人開不得

增蒼龍 白虎

上詳漢宮殿疏  
下詳洛陽故宮記

朱雀 玄武

上詳百官志  
詳洛陽故宮記

下

丹鳳

神虎

唐天寶元年陳王府參軍田同秀上言  
混元皇帝降於丹鳳門 下詳水經注

大夏

長春

陸機洛陽記大夏門魏明帝所造  
有三層高百尺 下詳晉宮閣名

青城

鴻都

上詳黃圖 漢書來應要結光祿勳殺  
諷等十餘人俱詣鴻都門証太子無過

翦鳳

驂龍

並詳元大都京城門名

興教

光政

並詳六典

宣仁

承

福

並詳六典

迎祥

麗澤

並詳宋慶歷北城

歸仁

納義

唐禮志元

正冬至朝賀太府率其屬受諸州及諸蕃貢物出歸仁納義門執物者隨之

星躔

月華

上詳六典

西京記復

五鳳

九龍

上詳宋西京宮城下詳洛陽

置殿馬隨仗於月華門

故宮

東西序

左右掖

儀衛百官序班於通乾象門南入宣政門文班自東武班

記

自西入至閣門亦如之皇帝步自東西序門放仗呂

后紀劉章從勅請卒千人入未央宮掖門注非正門而

在左右兩掖若

東西出

左右和

後百官志丞相舊位在長安時有四

人之有臂掖

出門隨時聽事明帝欲依之迫於太尉司空但為出東

西門耳大司馬中夏教茂舍帥以門名中冬教大閱

遂以狩田以旌為左右和之門羣吏各率其車徒以序  
和出注軍門曰和今謂之壘門立兩旌門以為之序和  
出用次第以

### 樹旌立木

### 設鈴警鼓

鄭玄云張帷為  
宮則樹旌以表

門陳列周衛則立木以表門荀綽晉百官表注漢  
丞相府門無闌不設鈴不警鼓深大廣遠無節限也

### 龍鬬

### 蛾飛

上詳左傳漢建昭元  
年有白蛾

### 邵平

### 種瓜

### 逢萌掛冠

史記邵平種瓜青門外亦曰青  
城門

門東郭門即東  
都之郭門也

### 銀臺紀迹

### 金液聽政

會要貞觀十  
二

軍使奏鑾駕去冬幸諸營於銀臺門外立碑紀  
迹又貞觀二十三年命皇太子聽政金液門

### 左右

### 出入

### 升降上下

三輔決錄長安面三門四面十二門  
皆通九道以相經緯三塗洞開隱以

金錐周以林木其左右出入為往來之經行者升降有上下之別

懸弧

曳杖

禮記生男

懸弧於門左

又曰孔

虎闥

龍門

王元長曲水詩序入虎闥而盛

子負手曳杖逍遙於門

胄西漢李膺獨持風裁以聲名自

曳裾

容戟

史記

高士有被其容接者名為登龍門

鄒陽諫吳王書令臣飾固陋之資則何王之門不可曳

裾乎晉王濬恢廓有大志嘗起宅開門前路廣數十

步或問之曰吾

宥御史

避學士

虞延為陳留督郵駕經封丘城門門

欲容長戟旛旗

小不容羽蓋帝怒使掾侍御史延以為罪在督郵言詞

激揚有惑上意制詔曰以陳留督郵虞延故宥御史罪

錢徵傳唐憲宗戒有貢獻

南衙宰相

北門學士

母入右銀臺門以避學士

唐書武后戒懷義曰阿師但當北門出入南衙宰相所

往來勿犯也元萬頃傳武后召諸儒論撰禁中朝廷

疑議表疏皆密使參決以分  
宰相權故時謂北門學士

蔡邕篆

梁鵠筆

水經注昔

在漢世洛陽宮殿門題多是大篆言蔡邕諸子魏南  
宮門榜多是梁鵠筆明帝復命韋誕以古篆書之

式問

踵門

魏文侯過干木之間必式四方賢士多歸  
孟子有為神農之言者許行自楚之

滕踵門而  
告文公

湯沸

騶唱

上即李義府事詳唐書  
書郭祚傳故事令僕中丞騶

唱而入公門及祚為僕射以為非盡敬之宜帝納之詔  
御太極唱至止車門御在朝堂至司馬門騶唱不入宮

自此  
始也

閉戶著書

塞門示尊

王維詩閉戶著書多歲  
月孔帖常袞同平章

事政事堂北門異時宰相過舍人  
院咨政事至袞乃塞之以示尊大

腸繞

土塞

吳志  
孫堅

母夢腸出繞吳閭門以告鄰母鄰母曰安知非吉祥也  
獻帝興平中吳中謠言黃金車斑斕耳開昌門出天子

下即張昭

點額

叩頭

晉書賀州封陽有嘖波水百尺大魚自擲登此門化

事詳序事

為龍不過曝鰓點額

宋申

錫傳望延英門以笏叩頭

芳林修書

清官待制

徐齊聘傳高宗時為崇文館學士侍皇太子講修書芳

林門會要文明元年令五品以上清官日於章善明

福門

率舞

爭趨

通鑑貞觀七年宴三品以上及州牧蠻夷於玄武門奏七德九功舞

待制蠻夷十種自請率舞

大歷中楊綰為相

延喜觀樂

德望日崇天下雅正之士爭趨其門焉

虔化視事

唐玄宗先天二年上御延喜門觀樂高祖紀十一月克京城封唐王以武德殿為

丞相府視事

綠槐夾

碧柳垂

潘岳詩綠槐夾門植王維詩門垂碧柳

於虔化門

似陶

慕容銅馬

薊丘煙樹

郡國志薊城開十門慕容儁鑄銅為馬因名銅

潛

馬門 長安客話都城德勝門外有土城關相傳古薊  
遺址樓館並廢但門存二土阜旁多林木薊翳蒼翠京

師八景有薊  
門煙樹即此

陽春獲虎

宣華迎佛

金史泰和八年  
有虎至陽春門

外駕出射獲之

金史海陵紀

觀角觝

祀高禩

金史

正隆元年御宣華門觀迎佛

金史海陵紀

觀角觝

祀高禩

金史

貞元三年登寶昌門觀角觝  
未育子尚書省臣奏行高禩之祀築壇景風門外

又明昌六年章宗

置

招賢

撰安禮

金史中都圍急詔於東華門置招賢所  
內外士庶皆得言事 玉堂嘉話燕城

西南門曰端禮有大定末劉  
無黨所撰左丞唐括安禮碑

僦居麗正

放第廣陽

燕石集四方進士來試南宮者皆僦居麗正門外 玉  
堂嘉話天眷元年析津放第於廣陽門西一僧寺門上

唱名至遷都後命宣陽  
門上唱名後遂為定例



# 門四

增端委立

齊晏平仲端委立於虎門之外

門多長者

晉陶侃家貧其鄰人謂侃曰子

門多長者軒車何不延之論當世事

反支禁忌

王符愛日篇明帝時公車門以反支日不受章

奏帝曰民廢農桑遠來詣闕而復拘以禁忌豈為政之意乎

創業金馬

揚雄解嘲云公孫創

業於金馬

別開一門

晉書劉繪言詞吐納頓挫風流時人為之語曰劉繪貼宅別開一門

閉戶讀書

孫敬閉戶讀書

閉門埽軌

劉勝閉門埽軌

不欲異門

蕭

子尚襄城公主詔以園地充主第主辭以公主榮戟不欲異門

天子榜門

唐田游嵩舊宅在宮

左高宗詔不聽毀天子自榜其門曰隱士田游嵩宅

羣司走門

李林甫為相或不朝羣司要官

悉走其門臺省  
官為之一空

車馬輻輳

王暕子承幼簡貴有風格右衛朱昇當權每休假車

馬填門有田英好危言忤權右嘗指昇門曰此門輻輳能不至者大小東陽耳小東陽承幼弟也並為東陽太守

門當列戟

韓滉門當列戟以父時第門不忍壞乃不請

門植六闕

楊炎

考著三代表其門閭門植六闕

門若市然

玄宗貴妃楊氏四方獻餉結納門若市然

原

高卑合禮

啟閉從時

華門圭竇

甕牖繩樞

以

通往來

作限內外

不出戶庭

而知天下

可以棲遲

詩

祀戶祭先脾

祀門祭先肝

月令孟春陽氣出祀之於戶孟秋陰氣出祀之

於門外順陰也凡祀門為祖祭先肝

卧戶

風俗通曰卧戶砌者畏縮其頭令人病顛

門五

原詩陳何胥賦得待詔金馬門詩曰漢家一統軌濟濟  
萬國朝飛纓拂曉霧輕輦逐晨飈槐衢映綠紱日彩麗  
金貂此時參待詔誰復想漁樵 增北周王褒入朝守

東華門開詩曰鳳池通複道嚴駕早凌晨鐵符行警曙  
銀榮未開闥暫暗城無影晴新路不塵屯兵引畫劔騎  
吹動斑輪徒知仰睿藻抽辭殊未申 唐宋之問龍門  
應制詩宿雨霽氛埃流雲度城闕河堤柳新翠苑樹花

先發洛陽花柳此時濃山水樓臺映幾重  
羣公拂霧朝翔鳳天子乘春幸鑿龍  
鑿龍近出王城外羽從淋漓擁軒蓋  
雲蹕纔臨御水橋天衣已入香山會  
山壁斬巖斷復連清流澄徹俯伊川  
塔影遙遙綠波上星龕奕奕翠微連  
層巒舊長千尋木遠壑初飛萬丈泉  
綵仗紅旗遶香閣下輦登高望河洛  
東城宮闕擬昭回南陌溝塍殊綺錯  
林下天香七寶臺山中春酒萬年枯  
微風一起祥花落仙樂初鳴鳳鳥來  
鳥來花落紛無已稱觴獻壽香

霞裏歌舞淹留景欲斜石間猶駐五雲車鑾旗翼翼留  
芳草龍騎駸駸映晚花千乘萬騎鑾輿出水靜山空嚴  
警驛郊外喧喧引看人傾都南望屬車塵囂聲引颺聞  
黃道王氣周回入紫宸先王定鼎山河固寶命成周萬  
物新吾君不事瑤池樂時雨來觀農扈春 沈佺期從  
幸漢故青門詩曰漢王建都邑渭水對青門朝市俱東  
逝墳陵共北源荒涼蕭相闕蕪沒邵平園全盛今何在  
英雄復重論故基仍岳立遺堞尚雲屯當極土功壯安

知人力煩天遊戒東首懷昔駐龍軒何必金湯固無如  
道德藩微臣諒多幸參乘偶垂恩預此陳古事敢奏興  
亡言 杜正倫玄武門侍宴詩曰大君臨宸暇睿賞狎  
林泉開軒臨禁籞藉野列芳筵參差歌管颺容裔羽旗  
懸玉池流若醴雲閣聚非煙湛露晞堯日薰風入舜弦  
大德侔玄造微物荷陶甄謬陪瑤水宴仍廁柏梁篇闕  
名徒上月鄒辨詎談天既喜光華旦還傷遲暮年猶冀  
升中日簪裾奉肅然 張說玄武門侍射詩曰射觀通

玄闕兵闢闢御筵雕弧月半上畫的暈重圓羿后神幽  
賛靈王法暗傳貫心精四返飲羽妙三連雪鶴來銜箭  
星麟下集弦一逢君宴合萬慶武功宣 王建早朝午

門詩曰百官朝下午門西塵起春風滿御堤黃帕蓋鞍  
呈了馬紅羅纏項鬪回雞館松枝重墻頭出渠柳條長  
水面齊惟有教坊南草色古城陰處冷淒淒 李嶠詠  
門詩曰奕奕彤闈下煌煌紫禁隈阿房萬戶列閭闔九  
重開疏廣遺榮去于公待駟來詎知金馬側方朔有奇

材 宋歐陽修微安門曉望詩曰都門守宿霧佳氣鬱  
蔥蔥曉日寒川上青山白露中樓臺萬瓦合車馬九衢  
通恨之登高賦徒知京邑雄 元李俊民杜門詩曰近  
來人事頗相乖獨坐何曾得好懷犬吠為連酤酒市雞  
鳴常傍讀書齋門終待學張家塞闥恐難當噲等排惡  
客就中多氣岸時時下馬繫堂階 劉因登鎮州陽和  
門詩曰百尺市門起重過為暫停豪分秋物色米聚趙  
襟形北望雲開嶽東行氣犯星憑闌天宇在人事聽浮



萍 范梈詣東華門奉迎香輿詩曰天香曉報出宮城  
已辨隅頭合樂迎黃鳥低斜衝隊過紫駟踈蕩著班行  
百王盛事無遺典萬乘深居有至情失喜快傳湯沐賜  
禮官識姓未知名

增歌唐岑參青門歌送東臺張判官曰青門金鎖平旦  
開城門日出使車回青門柳枝正堪折路旁一日幾人  
別東出青門路不窮驛樓官樹霸陵東花撲征衣看似  
繡雲隨去馬色疑驄胡姬酒壚日未午綠繩玉缸酒如

乳灞頭落花沒馬蹄昨夜微雨花成泥黃鸝翅溼飛屢  
低關東尺書醉懶題須臾望君不可見揚鞭飛鞚疾於  
箭借問使君何時來莫作東飛伯勞西飛燕

原銘後漢李尤門銘曰門之設張為宅表會納善閉邪  
擊柝防害 又中東門銘曰中東處仲月值當卯倉庚  
有聲隼鷹匿爪除去桎梏獄訟勿考 又開陽城門銘

曰開陽在孟位月惟巳清門冠節太陽進起 又津城  
門銘曰津門自定位月在未溫風鬱暑鷹鳥習鷙 又

廣陽門銘曰廣陽位孟厥月在申涼風從時白露已分  
又雍城門銘曰雍門處中位月在酉盲風寒濁鷺歸  
山阜 又夏城門銘曰夏門值孟位月在亥陰陽不通  
蝮螭匿彩迎冬北壇從陰所在 又穀城門銘曰穀門  
北中位當於子太陰主刑殺伐為始 晉摯虞門銘曰  
祿無常家福無定門人謀鬼謀道在則尊

原文後魏溫子昇閭闔門上梁祝文曰維王建國配彼  
太微大君有命高門啟扉良辰是簡穆卜無違雕梁乃

架綺翼斯飛八龍杳杳九重巍巍居宸納祐就日垂衣  
一人有慶四海攸歸

# 坊一

增說文曰坊邑里之名 原漢宮闕名曰洛陽故北宮  
有九子坊 晉宮闕名曰洛陽宮有顯昌坊修成坊綏  
福坊延祿坊休徵坊承慶坊桂芬坊椒房坊舒蘭坊藝  
文坊 增韋述兩京記曰東宮宜春門外有左春坊

春明夢餘錄京師雖設順天府兩縣而地分屬五城每

城有坊中曰南薰澄清仁壽明照保泰大時雍小時雍  
安福積慶東城曰明時黃華思城居賢朝陽南城曰正  
東正西正南宣南宣北崇南崇北西城曰阜財金城鳴  
玉朝天河漕關外北城曰崇教昭回靖恭靈椿發祥金  
臺教忠關外等坊每城設御史巡視所轄有兵馬指揮  
使司都指揮副都指揮知事

坊二

原王隱晉書曰東宮坊有醉相殺者中丞奏郎官從事

孫鑠杖一百鑠奏東宮是行馬內而推行馬外官為違  
法令詔中丞令史各杖一百 王珉荅徐邈書曰見傳  
咸彈孫詹事或云是宮或云坊或云寺此東宮中別有  
坊又中庶子稱坊詹事稱寺寺同於九卿耳坊是通名  
如天朝之稱臺省也 增韋述兩京記曰長安有待賢  
坊北領軍大將軍史萬歲宅 又曰東京昭國坊有薛  
繪子姪十人冠冕茂盛時號薛曲 又曰仁和坊兵部  
侍郎許欽明宅欽明尚書圉盛師猶子與中書令郝處

俊鄉黨親族兩家子弟類多醜陋而盛飾車馬以游於里巷京洛之語曰衣裳好儀貌惡不姓許即姓郝又曰永興坊西北門有魏徵宅本宇文愷宅及徵居之太宗臨幸時將營小殿賜徵為堂又曰通化坊東南鄆公殷開山宅時人謂之無鬼坊又曰延壽坊北門之西有尚書閣立本宅又曰明教坊隆興觀西有宋璟宅又曰岐王範宅在尚書坊東北隅又曰勸善坊東北隅有太子太師鄭公魏徵宅又曰宣風坊北街

之西中書令蘇味道宅在焉 見聞錄曰天寶中御史大夫王鉷有罪縣官簿錄太平坊宅數日不能遍 又曰崇仁坊西南隅有長寧公主宅既承恩加雕飾朱樓綺閣一時絕勝 又曰浮屠泓云長安永寧坊東南是金盞地 讓皇帝傳開元二年賜寧王薛王第於勝業坊申王岐王於興安坊 玉海曰五坊唐德宗所立曰鵬坊鵠坊鷄坊鷹坊狗坊 又曰宋西京坊一百二十祥符建南京坊十八慶厯建北京坊二十一祥符有惠



寧坊熙寧有崇化坊置來遠驛又有延秋坊置同文館  
又曰祥符八年賜錢惟演第於昭化坊 又曰禮賓  
院在歸德坊掌蕃夷朝貢及互市 又曰司馬光判西  
京留司御史臺遂居洛濱置園於尊賢坊以獨樂名之  
仙傳拾遺曰陽翁伯盧龍人有人與以白石一斗令  
種之當生美玉果生白瑩長二尺者數雙北平徐氏有  
女翁伯欲求婚徐謂媒曰得白璧一雙可矣翁伯以白  
璧五雙遂婚徐氏數年雲龍下迎夫婦俱昇天今謂所

居為玉田坊翁伯仙去後子孫立大石於田中以紀其事

坊三

原賦梁蕭子範直坊賦曰余以天監六年為洗馬十七年復直中舍之坊感恩懷舊悽然而作歲惟奄茂清明送風承恩從官自府游宮信吾生之多幸達六合之大同何坊禁之寥閴對長庭之蕪永門幽幽而重閉室悒悒而內靜應曉刻而坐朝聽雞鳴而自警雖生風於燧

螟終罕曜於陽景頗留連於九思恒殷勤於三省於時  
也春果餘英夏條垂實殿穹窿而起陰槐連拳而負日  
傍高墉之邐迤觀層排之鬱律寫學宮於洛都摹畫堂  
於漢室臺榭千名仙靈間出

御定淵鑑類函卷三百四十四

謹案卷三百四十三第十八頁前六行豐冠山之  
朱堂刊本豐冠訛冠豐朱訛珠並據文選改

卷三百四十四第十九頁後四行士介拂振刊本  
脫士字據禮記增

第二十一頁前一行苟為作而已刊本苟為作誤  
作當作為力四字據漢書改



總校官庶吉士  
校對官編修  
校對官檢討  
膳錄監生

總校官庶吉士 臣張能照

校對官編修 臣裴謙

校對官檢討 臣王福清

膳錄監生 臣倪時慶

膳錄監生 臣宣葆光

欽定四庫全書薈要

子部

御定淵鑑類函卷三百四十五

詳校官兵部主事臣雷純

欽定四庫全書薈要卷一萬一千七百九十三

子部

御定淵鑑類函卷三百四十五

居處部六

宅舍

擇鄰附

宅舍一

原釋名曰宅擇也言擇吉處而營之也

周禮曰載師

凡任地國宅無征

鄭衆注云國宅城中宅無征無稅也

尉繚子曰天子

宅千畝諸侯百畝大夫以下里舍九畝

初學記曰宅

亦曰第言有甲乙之次第也

魏王奏事曰出不由里



門面大道者名曰第爵雖列侯食邑不滿萬戶不得作第其舍在里中皆不稱第 增淮南子曰任一人之能不足以治三畝之宅循道里之數因天地之利然則六合不足均也 韓子曰有與猛者鄰欲買宅避之人曰是其貫將之滿矣子姑待之荅曰吾恐以我貫滿也遂去之 文子曰古之為道者量腹而食容身而居 原風俗通曰宅不西益俗說西者為上上益宅者妨家長也原其所以西益者禮記曰南向北向西方為上爾雅

曰西南隅謂之興長者之處也不西益者難動搖之耳  
審西益有害增廣三面豈能獨吉乎 增地鏡圖曰人  
望百家宅法中有赤氣者家有汎財白氣人家財不保  
黑氣有五其伏在宅中青氣者有銀地寶也 嵇康宅  
無吉凶論曰設三公之宅而命愚民居之必不為三公  
可知也夫壽夭之不可求甚於貧賤然則擇百年之宮  
而望殤子之壽處孤另之地以速彭子之夭必不幾矣  
然則果無宅也是性命自然不可求矣

## 宅舍二

原戴延之西征記曰潼關北去蒲坂城六十里中有舜廟城外有宅井及二妃壇南去城二十里有山舜所耕山上亦有廟 增國語曰魯文公欲弛孟文子之宅使人謂之曰吾欲利子於外之寬者對曰夫位政之建也署位之表也車服表之章也宅章之次也祿次之實也君議五者以建政為不易之規也今有司來命易臣之署與其車服而曰將易而次為寬利也夫署所以處君

命也臣立先臣之署服其車服為利而易其次是辱君  
命也不敢聞命 原晏子曰景公使更晏子之宅曰子  
之宅近市湫隘囂塵不可居請更諸爽塏辭曰臣之先  
臣居此宅焉臣不足以嗣之於臣侈矣且小人近市朝  
夕得所求小人之利也 酈道元水經注曰齊城北門  
外有晏嬰宅 瀨鄉記曰老子祠在瀨鄉曲仁里譙城  
西出五十里老子平生時教化學仙故處也漢桓帝修  
建屋宇為老子廟廟北二里李夫人祠是老子舊生宅

也 盛弘之荊州記曰新野郡西七里有梅溪源出紫  
山南流注涓故老傳溪西有百里奚宅 增淮南子曰  
魯哀公欲西益宅史爭之以為西益不祥哀公作色而  
怒左右數諫不聽乃以問其傅宰折睢曰吾欲西益宅  
而史以為不祥子以為何如宰折睢曰天下有三不祥  
西益宅不與焉哀公大說而喜頃復問曰何謂三不祥  
對曰不行禮義一不祥也嗜欲不止二不祥也不聽強  
諫三不祥也哀公默然深念憤然自反遂不西益宅

蘇州記曰孔子弟子言偃宅在常熟縣西 原范汪荆

州記曰宛有三女樓伍子胥宅 庾仲雍荊州記曰秭

歸縣有屈原宅伍胥廟擣衣石猶存 漢書曰魯共王

好治宮室壞孔子舊宅以廣其居聞鐘磬琴瑟之聲遂

不敢壞復於壁中得古經傳 述征記曰豐圻豐水西

九十里有漢高祖宅 漢舊儀曰高皇帝家在豐中陽

里為沛泗上亭長及為天子立沛廟祠豐故宅 又漢

書曰高祖詔列侯食邑皆賜大第室更二千石受小第

室 又曰蕭何買田宅必居窮僻處不治垣舍曰今後  
世賢師吾儉不賢無為勢家所奪 又曰夏侯嬰以太

僕事惠帝高后德嬰之脫孝惠魯元於下邑間乃賜嬰  
北第第一曰近我以尊異之 增又曰宣帝為皇孫時

會朝請舍於長安尚冠里元平元年遣宗正至曾孫尚  
冠里舍洗沐賜御府衣太僕以軺車奉迎曾孫就齋宗

正府 又曰宣帝賜霍光甲第一區 原又曰張放以

公主子取皇后弟平恩侯嘉女成帝賜甲第 增又曰

揚雄處嶧山之陽有田一廛宅一區家貧嗜酒人稀至  
門有好事者載酒肴以游學 成都記曰成都縣南百  
步有嚴君平司馬相如揚雄宅今草玄餘跡尚在 後  
漢書曰光武建武三年幸舂陵祠園廟因置酒舊宅大  
會故人父母 原又曰建武十七年幸章陵修園廟舊  
宅田里舍 范汪荊州記曰義陽六縣安昌里有光武  
宅枕白水陂所謂龍飛白水也 後漢書曰吳漢嘗出  
征妻子在後買田宅漢還讓之曰軍師在外吏士不足



何多買田宅乎遂盡分以與昆弟外家 增又曰包咸

於東海立精舍講授劉淑檀敷李允俱立精舍講授

原又曰竇氏一公兩侯三公主四二千石相與並代自

祖及孫官府邸宅相望 又曰梁冀於洛陽城內起甲

第 增魏志曰張遼字文遠為晉陽侯屢有戰功文帝

曰此古之召虎也特為起甲第一區 原又曰明帝特

為舅孫甄暢起大第舍 抱朴子曰葛廬有大功受爵

立宅舍於博望里今基兆石礎在焉 又曰臨沆縣有

廖氏世老壽後移子孫輒殘折他人居其故宅復累世  
壽乃知是宅所為不知其何故疑井水赤乃掘井左右  
得古人埋丹砂數十斛丹汁入井是以飲水而得壽

劉楨京口記曰糖顏山周廻二里餘山南隅隔路得郝  
鑒故宅五十餘畝戴延之征西記曰東陽門外道北  
吳蜀二主第宅去城二里墟墓猶存述征記曰山陽

縣東北二十里魏中散大夫嵇康園宅今悉為丘墟而  
父老猶謂嵇公竹林地以時有遺竹也吳志曰周瑜

與孫策同年相友善瑜推道南大宅以舍策升堂拜母  
有無通共 襄陽記曰李衡每欲治家妻輒不聽後密  
遣客十人於武陵龍陽洲上作宅種橘千樹臨死敕兒  
曰汝母每惡吾治家故窮如是吾州里有千頭木奴不  
用汝衣食歲上一匹絹亦當足用爾亡後二十餘日兒  
白母母曰此當種柑橘也汝家失十戶客七八年必汝  
父遣為宅晉咸康中其宅上枯樹猶存 增郡國志曰  
洛陽有董卓宅在永和里掘地輒得金玉寶翫後魏邢

樂掘得丹砂及錢銘曰董太傅之物後夢卓來索樂不  
與經年而卒 原王隱晉書曰魏舒少孤為外家甯氏  
所養甯起宅相者云當出貴外甥舒曰當為外家成此  
宅相 裴楷別傳曰裴楷營新宅基宇甚麗當移住與  
其兄共游行牀帳儼然櫺軒踈朗兄心甚願之而口不  
言楷心知其意便使兄住 增晉書曰杜后母裴氏為  
廣德縣君裴氏名穆長水校尉綽之孫太傅主簿遐之  
女太尉王夷甫外孫中表高於當時遐隨東海王越遇

害無子惟穆渡江遂享榮慶立第南掖門所謂杜老宅  
云 又曰上黨鮑瑗家喪禍貧苦淳于智卜之卦成謂  
曰為君安宅者女子工耶曰是也又曰此人已死耶曰  
然智曰此人安宅失宜既害其身又令君不利君舍東  
北有大桑樹君竟入市門數十步當有一人折新馬鞭  
者便就請買還懸此樹三年當得物瑗承言詣市果得  
馬鞭懸之三年後浚井得數十萬銅錢雜器復可二十  
餘萬於是家業用展病者亦愈 又曰孔愉為會稽內

史在郡三年營山陰湖南侯山下數畝地為宅草屋數  
間便棄官居之送資數百萬一無所取世說曰鍾會  
荀濟二人情好不協荀有寶劍值百萬常在母鍾太夫  
人所鍾善學書學荀手跡作書與母取劍竊去不還荀  
後知是鍾而無由復思所以報之會鍾兄弟二人共以  
千萬起宅始成甚精麗未得移住荀善畫於是潛往畫  
鍾門堂並作太傅形像衣冠狀貌如平生之容鍾來入  
門便感慟宅遂空廢輿地志曰襄陽城東南有白沙

曲龐士元居漢之陰司馬德操宅洲之陽隔魚梁洲望  
衡對宇歡情自接每至相思則褰裳涉水豈待還桂拖  
於千里貢深心於永思哉 原婁承先傳曰婁元到廣  
州遂徘徊躑躅於仲翔宅故處哀咽悽愴不能自勝

三輔決錄曰郭詳為太尉長史起大宅在高陵城西世  
稱曰長史宅 搜神記曰魏郡張氏本富忽衰死財散  
賣宅與程應應舉家疾賣於何文文先獨持大刀暮入  
北堂梁上一更中有一人長丈餘高冠赤幘呼曰細腰

細腰應諾何以有人氣荅無便去文因呼細腰問向赤  
衣冠是誰荅曰金也在西壁下問君是誰荅云我杵也  
今在竈下文掘得金三百斤燒去杵由此大富宅遂清  
寧 增襄沔記曰韋叡少時有南陽人蔡邠善望氣象  
叡宅應出三公刺史貴不可言時叡宅上有草屋數間  
邠宅在城南悉是瓦屋求換叡宅疑而不許後奉龍飛  
遂成宅相簡文徵書至望氣之言驗矣 宋書曰張鏡  
與顏延之鄰居顏談義飲酒叫呼不絕而鏡靜默後與



客談延之從籬邊取胡牀坐聽辭義清玄乃曰彼有人  
焉由是不復叫呼 後魏書曰王椿於鄉造宅廳事極  
高壯本郡人呼椿為王太原一日時人忽云此乃太原  
王宅豈王太原未幾爾朱榮果居椿宅封太原王 又  
曰孝文因行藥至司空府南見巒宅謂曰朝行藥至此  
見卿宅乃佳東望德館情有依然巒對曰陛下移構中  
原方建無窮之業臣意在與魏昇降寧容不務求寧之  
宅帝謂司空穆亮僕射李冲曰巒之此言其意不小

北史曰宇文護執政廣營第宅嘗召柳賔至宅訪以政事賔仰視其堂徐而嘆曰酣酒嗜音峻宇雕牆有一於此未或不亡護不悅有識者以為知言西谿叢語曰

梁庾信字子山肩吾之子居宋玉故宅信哀江南賦所云誅茅宋玉宅是也長安志曰隋煬帝在藩舊宅武

德中賜尚書右僕射蕭瑀為園後瑀子銳尚襄平公主詔別營主第主辭以姑婦異居有乖禮則因陳固請乃以園地充主第又辭公主榮戟不欲異門乃併瑀之院

門 聞見記曰魏徵當朝重臣也所居室宇卑陋太宗  
欲為營第輒謙讓不受洎徵寢疾太宗將營小殿遂輟  
其材為造正堂五日而就 朝野僉載曰宗楚客造一  
宅新成皆是文柏為梁沉香和紅粉以泥塗壁開門則  
香氣蓬勃磨文石為階砌及地著吉莫靴者行則仰仆  
楚客被逮昌王推得贓萬餘兄弟配流太平公主就其  
宅看歎曰觀其行坐處吾輩虛生浪死 見聞錄曰則  
天以後王侯妃主京城第宅日加崇麗天寶中御史大

夫王鉞有罪賜死縣官簿錄太平坊宅數日不能遍宅  
內有自雨亭從簷上飛流回注當夏處之凜若高秋又  
有寶鈿井欄不知其價他物稱是 明皇雜錄曰貴妃  
姊虢國夫人恩傾一時大治第宅棟宇之盛世無與比  
所居韋嗣立舊宅韋氏諸子方亭午偃息於堂廡間忽  
見一婦人衣黃披衫降自步輦有侍婢數十笑語自若  
謂韋氏諸子曰聞此宅欲貨其價幾何韋氏降階而言  
曰先人舊廬所未忍捨語未畢有工人數百登兩廂掘

其瓦木韋氏既不能制乃率家僮挈其琴書委於衢路而自歎曰不才無為勢家所奪古人之戒將見於今日乎而與韋氏隙地十畝餘其他一無所酬 兩京記曰崇仁坊西南隅長寧公主宅既承恩盛加雕飾朱樓綺閣一時絕勝又有山池別院山谷虧蔽勢若自然中宗及韋庶人數游於此第留連彌日賦詩飲宴上官昭容操翰於亭子柱上寫之韋氏敗遂奏為觀詞人名士竟入游賞 唐書曰浮圖泓與張說市宅戒無穿西北隅

他日怪氣索然視西北隅果有三坎皆深丈餘驚曰公  
富貴一世而已諸子將不終說將平之泓曰客土無氣  
與地脉不連譬身有瘡痂補以他肉無益也後子均均  
為安祿山委任克復後均遠流均賜死 又曰張均尚  
主即禁中置內宅岐陽公主下嫁杜棕開第昌化里  
又曰睿宗五子列第東都積善坊號五王子宅開元後  
皇子幼多居禁中既長詔附苑城為大宮分院而處號  
十王宅 又曰蕭復字履初廣德中連歲不稔穀價翔

貴家貧將鬻昭慶別業時宰相王晉聞其林泉之美心  
欲之乃使弟紘誘焉曰足下之材固宜居右職如以別  
業奉家兄當以要地處矣復對曰僕以家貧而鬻舊業  
將以拯濟孀幼耳倘以易美職於身令門內凍餒非鄙  
夫之心也乃罷復官沉廢數年復處之自若 又曰宣  
宗世夔王以下五王處大明宮內院鄆王居十六宅  
又曰楊損家新昌里與路巖第接巖為相欲易廢以廣  
第損族仕者千餘人議曰家世盛衰係權者喜怒不可

拒損曰今尺寸土皆先人舊貲非吾等所有安可奉權  
貴耶窮達命也卒不與 窮幽記曰白樂天得楊憑宅  
竹木池館有林泉之致因為池上篇題曰都門風水土  
木之勝在履道里 五代史曰漢初以晉入蕃將相第  
宅賜隨駕大臣以趙榮第賜太祖太祖召榮子前刑部  
郎中易則告之曰所賜除素屬版籍外如有別契勝已  
所置者可歸本直即以千緡遺易則惶恐辭讓太祖堅  
與之乃受 又曰羅紹威前唐時常建第洛陽福善里



莊宗同光中始賜明宗梁租庸使趙巖宅雖華以趨內

遠乃召紹威子周敬易其第後明宗即位一日夢中見

一人儀形瓌秀若素識者上夢中曰此得非前宅主羅

氏乎及寤訪其子孫左右對曰周敬現列明宗召至類

符夢中所見上謂侍臣曰朕不欲使大勲之後久無土

地因授左馮掖非承家為善何以致此 宋史曰建隆

元年宋州以歸德軍旌節詔置潛龍宅 又曰開寶九

年詔於朱雀門外馳道之左建大第甲於輦下既成名

曰禮賢宅以待錢俶 又曰祥符二年令江州縣修唐白居易第以江州有舊宅畫像故命葺之 玉海曰范文正子弟以公有退志乘間請治第洛陽樹園圃以為游逸之地公曰人苟有道義之樂形骸可外況居室哉山堂肆考曰王荊公宅在金陵鍾山四無居人其宅僅蔽風雨又不設垣牆望之若逆旅之舍 宋史曰熙寧四年詔賜濮王子通州防禦使宗隱芳林園宅一區六年賜彰武留後承選芳林園宅 又曰紹興三年詔

南班宗室新第以睦親為名 山堂肆考曰岳少保宅

在杭州治北郡人即其地立廟祀之廟有井相傳飛被

害時有女尚幼挾銀餅投井而死故廟并祀焉 夷堅

續志曰理宗時丞相崔與之歸蜀建第甚麗有豪商李

姓者亦從而效之即用崔府匠人規制落成崔往觀之

歸召匠問曰汝與某建宅甚佳但少兩枝梁耳匠曰此

一依相府規模崔曰一枝是沒思量一枝是沒酌量當

時以資談笑 元史曰少府為諸王昌童建宅於太廟

南田忠良往仆其柱少府奏之帝問忠良對曰太廟前  
豈諸王建宅所耶 元齋秘錄曰永樂二十二年賜衍  
聖公孔彥縉宅於京師彥縉數來皆館於民家上聞之  
顧近臣曰四夷朝貢之使皆有公館先聖子孫乃寓宿  
於民家何以稱崇儒之意命工部賜宅

宅舍三

擇鄰附

原萬里 千畝

司馬相如大人賦曰時有大人兮在乎中州宅彌萬里兮曾不足以少留悲時

俗之迫隘兮竭舉足而遠游 下詳序事

膏腴 爽塏

荀悅漢書曰武安侯田蚡營宅舍甲

第必極膏腴堂羅

鍾鼓

下詳序事

推友讓親

上詳序事 謝承後漢書曰沈輔字伯禽

會稽山陰人也輔少儉約身以禮喪父

蕭居晏

服闋推讓祖考財產田宅與親貧不足者

卜上詳序事 左傳曰齊景公欲更晏子之宅晏子如

晉公更其宅反則成矣既拜乃毀之為里室皆如其

舊則使宅人返之諺曰非宅是卜惟隣是卜二子先

卜鄰矣違卜不祥君子不犯非禮小人不犯不祥卒復

其舊 推貧 瞻老 上詳讓親注 崔鴻後燕錄封衡字

伯華中書監裕子也輕財好施年十

餘歲見一父老荷擔於路引歸問之衡憐其貧請於父

曰宣子一飯著名春秋宜給宅一區奴一口日供瞻以

終年裕高其 孔瑟 何金 並詳 定鄰 面道 楊泉

志而從之 序事 物理

論曰處宅者先定 譙郡西 齊城北 並詳 霍辭

鄰馬 下詳序事

薛讓

漢書霍去病曰匈奴未滅臣無以家為遂辭其第宅又薛苞兄弟要分苞悉推其田宅奴婢

一區

三畝

揚雄之先揚季有田一廛有宅一區後漢范遷為司徒裁有一宅復推與兄子及

薨子建自田種置宅三畝時人美之

種竹

操書

世說王子猷每假人宅必種竹人詰之曰

不可一日無此君

禮

市宅

剥廬

後漢張霸受嚴氏春秋博覽五

曰獻田宅者操書致

經諸生慕之各市宅其旁

成寢

呈材

禮季武子成寢文選屋

以就學易小人剥廬

不呈

板屋

蔀屋

詩曰在其板屋亂我心曲注西戎板屋心曲心之委曲也易

容幡旗

衣綈錦

晉王濬字士治恢廓有大志嘗起宅開門前路廣數十步或問之濬曰吾

欲容長戟幡旗衆咸笑之哀帝建董賢宅

多長者寧君子

陳平附郭而居門多

長者車轍

詩君子攸寧

開行徑 構懸流

後漢張仲蔚蓬蒿滿宅惟開一行徑鮫

人構館

於懸流

究安宅 假大宅

詩其究安宅史記田生如長安假大宅令其子求

事呂后謁

仰屋而歎 容身而居

平恩侯許伯入第蓋寬饒仰視屋而

者張釋卿

歎曰富貴無常忽則易人此如

賣而起冢 奪以廣

傳舍所聞多矣

下詳宅舍一

賣而起冢 奪以廣

居

崔寔父亡賣田宅起家瑩立碑碣無資產以酤釀為業下詳門二

莊公非禮 文

仲為濫

魯莊公丹桓宮楹刻桓宮楠非禮也臧文仲山節藻梲君子以為濫矣

王翦請

美田蚡請益

王翦自請美田宅田蚡為相嘗請考功地益宅

有司限宅

卜工占宅

晉有司奏王公國家京城不宜有田宅未暇作諸國邸當使有往來之處今限京師

得有宅一所後漢董宣字少平為北海相大姓公孫

丹為五官掾造新宅而卜工占之云當有死者丹乃命

子殺道行人置屍舍內以

塞咎宣知乃收丹子殺之

書晉桓玄欲以謝安宅為營其孫謝混曰召伯之仁

猶惠及甘棠文靖之德獨不能保五畝之宅耶玄慙而

止混字叔原風流為江左

第一安宅在烏衣巷口

或由窮巷起白屋列土而封司

馬相如檄位在通侯列居東第

屋如傳舍宅同

逆旅北史陽固字敬安魏世宗時中尉王顯起宅既成

隘流稱於今豐屋生災著於周易此蓋同傳舍耳惟有

德者能卒願公勉之顯默然梁徐勉戒子書曰吾清

明門第宅西邊既施宣德寺不復方幅意謂亦逆旅舍

耳何事須華常怪時人謂是我宅古往今來豪貴繼踵



究其死矣  
定是誰室

特賜近第

改築新宅

上即夏侯嬰事詳漢書蘇子由因

卞氏故居改築新宅其廳事陋甚有柴氏廳三間求售三百餘萬錢力不能致子遲曰因卞氏之舊而易其尤

無不可子孫若

龍原書窟

笠澤幽居

郡國志號州楊震宅西有

賢富師公儉

龍望原南有太尉藏書窟大元初人逐獸入穴見古書一千卷陸龜蒙宅在笠澤其故宅名曰陸子幽居

假宅種竹

買第愛樹

上即王子猷事見前唐王義方初拜御史買一第愛庭

中青桐樹復召主人曰此佳樹得無欠償乎又與之錢四千

天子榜門

有司給

直

唐田游岩隱箕山高宗拜為弘文館學士乘傳赴都帝營奉天宮游岩舊宅在宮左詔不聽毀天子自榜

其門曰隱士田游岩宅唐馬周為御史遣人圖構佳宅衆以其起書生素無貲皆竊笑之他日所遣之人白

有佳宅直二百萬周以間詔  
有司給直并賜奴婢什物

毀馬璘中寢 假王涯

官第

唐馬璘家富不貴治第京師侈甚堂無慮費錢二十萬緡及璘卒喪歸都人爭入其第觀之德宗即

位詔毀璘中寢 唐王涯再為翰林學士帝以其孤進  
能自樹立數訪建之以涯私第居遠或召不時至乃假

光化里官第諸  
學士莫敢望

題帖 標榜

齊庾果之接魏使使問  
齊國百姓那得家家題

門帖賣宅 谷曰朝廷欲埽蕩京洛克復神州所以家家  
賣宅耳 北齊白甫亮所居灣下標榜賣之買者問其

故谷曰為宅中水渰不洩雨即水流牀  
下由此宅終不售亮淳實不矯飾如此

東都別墅

南山敝廬

裴晉公治第於集賢里治石林叢篠垣幽勝  
作別墅具煖館涼臺疏綠野堂激波其下

孟浩然詩北闕休  
上書南山歸敝廬

約板甃石

疏沼構樓

唐李林甫  
為相自知

結怨者多憂刺客竊發所居重闕複壁約板甃石一夕再徙人莫之知唐白居易被上知遇為當時所忌乃

放意詩酒無立功名意於東都履道里疏治種樹構石樓與僧如滿結香山社鑿龍門八節灘為游賞之所

### 第開康衢宅通永巷

齊宣王自淳于髡以下皆命為列大夫為開第康莊之衢

高門大屋以尊寵之唐郭子儀宅居親仁里四分之一中通永巷家人三千出入不知其居

### 立宅

### 東田結廬北渚

梁沈約立宅東田瞻望郊阜為郊居賦以記其事唐仲字子光隱者也

無妻子結廬北渚凡三十年

### 竹徑花溪

杜甫詩卜築應同蔣詡徑為園須似邵平瓜

杜甫在成都劍南節度使裴旻為卜郭西浣花溪作草堂居焉或云嚴武為卜一云杜甫宅華昌府成縣飛龍

峽之東唐天寶避難於此

### 燒杵掘金

上即何文事詳搜神記蘇秦宅在洛陽舊仁和里

後魏尚書高顯居此夜見赤光  
掘得金百斤有銘曰蘇家金

張融舟居 呂保崖

居 齊張融為中書郎請假東出武帝問住何處答曰臣  
陸處無屋舟居無水後問融從兄緒緒曰融近東出

未有居止權作小船岸住帝大笑 夔州府梁山絕頂  
絕岩半腹有一穴人跡所不到漢赤眉之亂邑人呂保

鑿崖以居 洛城破屋 武夷精舍 韓愈寄盧仝詩王  
舉家免難 川先生洛城裡破

屋數間而已矣 在建寧 安道起宅 康節遷居 晉  
武夷山朱子築室其下 郝

紹每聞欲高尚隱退者輒為辦百萬資并為造立居室  
在剡為戴安道起宅甚精戴始往居與所親書曰近至

剡如入官舍 宋嘉祐七年王宣徽拱辰尹洛就天官  
寺西橋五代節度使安審宅故基以郭崇韜廢屋餘材

為屋三十間請邵康節遷居之富鄭公又命  
其客孟約為買對宅一園有水竹花木之勝 治第衢

# 州卜居陽羨

趙清獻先在杭州舊治有高齋後第衢州臨溪其傍不遠數百步亦有山麓屹

然而起即作別館於其上亦名高齋蘇東坡自僇歸卜居陽羨時士人邵民瞻從公游為公買一宅為緡五

百公傾囊僅能償之卜吉將入居夜與邵步月至村落

聞哭聲甚哀公徙倚聽與邵推扉而入則一老嫗公問

哭何哀至此嫗言吾有一居相傳百年吾子不肖舉以

售人今日遷徙百年舊居一旦訣別所以泣也坡亦愴

然問故居所在則即公以五百緡所得者因再三慰撫

謂之曰嫗之故居乃吾所售不必深悲當以還嫗即命

取屋券對嫗焚之呼其

子母還舊宅不索其直

## 秉燭周覽 乘車一游

郭從義鎮

河陽於洛中造大第皆以香柏為之文梓為梁花石甃

地引水築山第成費白金五千錠次年被召還都暮抵

其第秉燭周覽時朝會有期侵晨而出行至東都卒家

人不能居宋趙普將營西宅遣人於秦隴市良材以

萬數及宅成韓王時為西京留守已病矣詔詣闕將行  
乘小車一游第中遂如京師竟至捐館不復再來矣

**恐傷蟄蟲**

**僅容旋馬**

上即曹彬事詳室門  
文靖為相治第於封丘門廳

事僅容旋馬或言其太隘公笑曰居第當貽子孫此  
為宰相廳事誠隘乃為太祝奉禮廳事已寬然矣

**莫嫌地窄**

**敢辭湫隘**

並見白居易詩詳後

**家在青溪**

**宅近**

**青山**

金陵故事南朝鼎族多在青溪而江總宅尤占勝  
地至宋時段約居之王荆公詩云往時江令宅今

日段侯家

齊宣城太守謝朓

**擇鄰原五家**

**三徙**

築室青山之南人呼為謝公宅

五家為鄰五鄰為里

**洽比親善**

洽比其鄰親仁  
善鄰國之寶也

孟母三徙以擇鄰

**馬擇是卜**

思立賦匪仁里而  
馬擇惟鄰是卜

**仁為美德必有**

里仁為美 論語

增春不相 居必擇

禮記鄰有喪

子居必擇鄰

近學可居 連牆不謁

孟軻之母舍近

則可以避患 嬉戲為墓間之事踴躍築埋母曰此非所以居子也乃  
去舍市其嬉戲為賈街母曰此非所以居子也乃徙舍  
學宮之傍其嬉戲乃設俎豆揖讓進退母曰此真可  
以居子矣 列子與南陽子連牆二十年不相請謁

穿壁引光

祭竈請鄰

漢匡衡勤學而無燭乃穿壁引  
光以書映而讀之 漢御史大

夫張忠署孫寶主簿寶  
從人舍鄰祭竈皆請

送酒 乞醯

陶侃家貧友人  
過侃侃無以致

誠其鄰謂侃曰子門多長者軒車何不延之論當世事  
侃曰貧不能備禮鄰人乃為密約於牆頭送濁醪隻雞

遂成終日之歡

百萬買鄰 一丈益地

梁呂僧珍字  
元瑜為南兗

下詳論語

州刺史初宋李雅罷南康郡市宅僧珍問價幾何曰一千一百萬此一千萬買宅一百萬買鄰陳囂與紀伯為鄰夜竊囂籬地自益囂見之伺伯去後密拔其籬以地一丈益伯伯覺之慙懼既還所侵又却一丈

### 宅舍四

擇鄰附

原儒宮

儒有一畝之宮

蝸舍

焦先

偈下傑卑

禮傑迴也墮莢反

致

功呈巧

呈巧致功期不陀弛非石非董疇能居此

爰居爰處

詩

攸除攸

去

詩風雨攸除烏鼠攸去

利田宅

魏武侯卒中試則復其戶利田宅也

發屋居

無發屋居

寧宇

閒居

潘岳

卜築

經營

完繕

汰侈

甲第宣驕

舊宅支壞

傳天之所壞不可支也

田宅不鬻

禮



居處不淫 我圖爾居 度土而居 軫騫崩之慮

貽燥溼之憂 許伯延賓尚懼蓋侯之誠 趙文考

室猶欽張老之言 增蛙聚雀喧 見吳融 詩詳後 園荒臺古

見唐太宗 野蒿生瓦 見皮日休 詩詳後 池草侵沙 見朱餘慶詩詳

後 閒花含笑 見方干 詩詳後 朽樹經陰 見張文潛 詩詳後 買宅

自汚 史記高祖數使使問蕭相國何為客有說何曰君族滅不久矣今君何不多買田宅賤貫貸以自汚

上心乃安於是蕭相 不因人熱 漢書梁伯鸞名鴻少孤嘗獨止不與人同

食比鄰先炊呼伯鸞及熱釜炊伯鸞曰 鬼營 吳苑檀道濟居童子鴻不因人熱者也滅竈更燃之

青溪第二兒夜忽見人來縛已欲呼不得至曉乃解猶見繩痕在此宅先是吳將步闡所居諺曰揚州青是鬼營自步及

**令人笑拙**

顏延之傳顏竣既貴重傾一時凡所資供延之一無所受器服

不改宅宇如舊見竣起宅謂曰善為之母令後人笑汝拙也

**古人誰比**

南齊書裴昭明永明

中使虜還授始安內史在郡時廉潔歸家貧無居世祖曰裴昭明還郡歸遂無宅我不諳書不知古人中誰比

**連樓走馬**

唐書許敬宗營第舍華僭至造連樓使諸妓走馬其上

**枯柿復生**

舊記唐睿宗景雲二年詔以興聖是高祖舊宅有枯柿復生赦天下

**木妖**

德宗實錄大歷十四年毀

元載馬璘劉忠翼之第自天寶中京師堂寢已極宏麗而第宅未甚踰制然衛國公李靖廟已為嬖人楊氏廢矣及安史二逆之後大臣宿將競崇棟宇無界限力窮乃止人謂之木妖

**居寢鬱然**

唐書楊行

密常在楚州登城見王茂章營第曰天下未定而

宅

茂章居寢鬱然渠肯為我忘身耶茂章遽毀之

泣葆光錄顧全武於越中廣搜梗楠建宅極其宏麗畢工之際棟梁皆出水戶牖清濕竟不得入斯屋而卒

人謂之

紅紗籠孟

蜀檣杙孟知祥至蜀時魏王繼岌滅王衍尚駐府舍知祥乃館於徐

宅泣

延瑀之第延瑀即衍之舅衍嘗幸其第悅其華麗於壁

上書孟字以戲之蓋蜀中以孟為不任故也延瑀以紅

紗籠之知祥見而笑曰疎狂

肩輿一登

筆談神宗時丞相陳升之

霸豎亦預知我為代居此耶

治第於潤州極為宏麗綿亘數百步宅成升之已疾甚

惟肩輿一登西樓而已人謂之三不得居不得賣不得

修不得

擇鄰原睦乃四鄰

蔡仲命

守在四鄰

諸侯守在四鄰

增澆蕤同渠

見于鵠詩詳後

幽花滿樹

見杜子美詩詳後

宜作兩

家春

見白居易詩

相看萬事休

見劉和詩

隙壁透燈光

見梅堯臣

詩

井泉分地派

見李少保詩

### 宅舍五

原詩齊竟陵王蕭子良行宅詩序曰余稟性端疎屬愛  
閒外往歲羈役浙東備歷江山之美名都勝境極盡登  
臨山原石道步步新情迴池絕澗往往舊識以吟以詠  
聊用述心詩曰訪宇北山阿卜居西鄰外幼賞悅禽魚  
早性羨蓬艾陳江總歲暮還宅詩曰悵然想泉石驅

駕出城臺翫竹春前筍驚花雪後梅青山殊可對黃卷

復時開 又南還尋草市宅詩曰紅顏辭鞏洛白首入

輶轅乘春還故里徐步采芳蓀徑毀悲求仲林殘憶巨  
源見桐猶識井看柳尚知門花落空難遍鶯啼靜易喧  
無人訪語默何處叙寒溫百年獨如此傷心豈復論

隋元行恭過故宅詩曰頽城百戰後荒邑四鄰通將軍  
戟已折步兵途轉窮吹臺有山鳥歌處聒野蟲草深斜  
徑滅水盡曲池空林中滿明月是處來春風惟餘一廢

井尚夾兩株桐 唐太宗過舊宅詩曰新豐停翠輦譙

邑駐鳴笳園荒一徑斷臺古半階斜前池消舊水昔樹  
發今花一朝辭此地四海遂成家 楊師道還山宅詩

曰暮春還舊嶺徙倚翫年華芳草無人徑空山正落花  
垂藤埽幽石卧柳礙浮槎鳥散茅簷靜雲披澗戶斜依  
然此泉路猶是昔烟霞 增唐太宗過舊宮詩金輿巡

白水玉輦駐新豐紐落藤披架花殘菊破叢葉鋪荒草  
蔓流竭半池空紉佩蘭凋徑舒珪葉剪桐昔地一藩內

今宅九圍中架海波澄鏡韜戈器反農八表文同軌無  
勞歌大風 許敬宗奉和詩曰飛雲臨紫極出震表清

光自爾家寰海今茲反帝鄉情深感代國樂甚讌譙方  
白水浮佳氣黃星聚太常岐鳳鳴層閣艷雀賀雕梁桂  
山猶總翠蘅薄尚流芳攀鱗有遺皓沐德忭稱觴 上

官儀奉和詩曰石闕清晚夏璇輿御早秋神麾颺珠雨  
仙吹響飛流沛水祥雲泛郊瑞氣浮大風凝漢築叢  
烟入舜球翠桐臨鳳邸滋蘭帶鶴舟偃伯歌玄化扈蹕

頌王遊遺簪謬詔獎珥筆荷恩休 玄宗巡省途次上

黨舊宮詩曰三千初擊浪九萬欲搏空天地猶驚否陰  
陽始遇蒙存身期歷試佐貳佇昭融多謝時康理良慙  
實賴功長懷問鼎氣夙負拔山雄不學劉琨舞先歌漢  
祖風英髦既包括豪傑自牢籠人事一朝異謳歌四海  
同如何昔朱邱今此作離宮雁沼澄瀾翠猿巖落照紅  
小山餘桂馥長坂舊蘭叢即是淹留處乘歡樂未窮  
張說奉和詩曰蔥鬱興王郡殷憂啟聖圖周成會西土



漢武幸南都歲卜鑾輿邁農祠馬政敷武威稜外域文  
教靡中區警蹕千戈捧朝宗萬國趨舊籥人事革新化  
玉容殊辟有真龍畫庭餘鳴鳳梧叢觴祝堯壽合鼎獻  
湯厨陽樂寒初變春思蟄共蘇三者頒命服五稔復田  
輸君賦大風起人歌湛露濡從臣觀玉葉方願紀靈符  
蘇頌奉和詩曰潞國臨淄郡天王別駕輿出潛離隱  
際小往大來初東陸行春典南陽即舊居約川星早駐  
扶道日旂舒雲覆連行在風迴助埽除太行城邑望舉

落土田疏昔試邦興后今過俗僊予示威寧校獵崇讓  
不陳漁府吏趨宸宸鄉耆捧帝車帳傾三飲處閑整六  
飛餘盛業銘汾鼎昌期應洛書願陪歌賦末留比蜀相  
如 劉憲奉和幸禮部尚書竇希玠宅應制詩曰北斗  
樞機任西京肺腑親疇昔王門下今茲制幸辰恩光山  
水被聖化管絃新遶座薰紅藥當軒暗綠筠摘荷纔早  
夏聽鳥尚餘春行漏金徒晚風烟起觀津 李乂奉和  
詩曰家住千門側亭臨二水傍貴游開北地宸眷幸西

鄉曳履迎中谷鳴絲出後堂浦疑觀萬物峰似駐三光  
草向窮筵樂花承繡宸香聖情思舊重留飲賦雕章

沈佺期奉和詩曰北闕垂旒暇南宮聽履迴天臨翔鳳  
轉恩向濯龍開蘭氣承仙帳榴花引御杯水從金穴吐  
雲是玉山來池影搖歌席林香散舞臺不知行漏晚清  
蹕尚徘徊 蘇頲奉和詩曰尚書列侯地外戚近臣家  
飛棟臨青綺迴輿轉翠華日交當戶樹泉漾滿池花圓  
頂圖嵩石方流擁魏沙豫游今聽履侍從昔鳴笳自有

天文降無勞訪海查 玄宗過大哥宅詩曰魯衛情先

重親賢愛轉多冕旒豐暇日乘景暫經過戚里申高宴

平臺奏雅歌復尋為善樂方驗保山河 張說奉和寧

王宅應制詩曰進酒忘憂館簫韶喜降尋帝堯敦睦禮

王季友兄心竹院龍鳴笛梧宮鳳繞林大風將小雅一

字重千金 李嶠游漏宅詩曰寂寂蓬蒿徑喧喧湫隘

廬屢逢長者轍時引故人車孟母遷鄰罷將軍辭第初

惟憐草玄處獨對一牀書 張說奉勅宴梁王宅詩曰

虎殿成鴻業猿岩題鳳賦既荷大君恩還蒙小山遇秋  
吹迎絃管涼雲生竹樹共昔朱郎歡無辭洛城暮武  
三思奉和詩曰岩居多水石野宅滿風烟本謂開三徑  
俄欣降九天穿林移步輦拂岸轉行旃鳳竹初垂籜龜  
荷未吐蓮願持山作壽恒用劫為年杜甫兩當縣吳  
十侍御江上宅詩曰寒城朝烟淡山谷落葉赤陰風千  
里來吹汝江上宅鷗鷄號江渚日色傍阡陌借問持斧  
翁幾年長沙客哀哀失木狖矯矯避弓翮亦知故鄉樂

未敢思宿昔昔在鳳翔都共通金閨籍天子猶蒙塵東  
郊暗長戟兵家忌間諜此輩常接跡臺中領舉劾君必  
慎剖析不忍殺無辜所以分黑白上官權許與失意見  
遷斥仲尼甘旅人向子識損益朝廷非不知閉口休歎  
息余時忝諍臣丹陛實咫尺相看受狼狽至此難塞責  
行邁心多違出門無與適於公負明義惆悵頭俱白

又入宅詩曰奔峭背赤甲斷崖當白鹽客居媿遷次春  
色漸多添花亞欲移竹鳥窺新卷簾衰年不敢恨勝槩

欲相兼 又曰亂後居難定春歸客未還水生魚復浦

雲暖麝香山半頂梳頭白過眉拄杖斑相看多使者一

一問函關 又曰宋玉歸州宅雲通白帝城吾人淹老

病旅食豈才名峽口風常急江流氣不平只應與兒子

飄轉任浮生 又南鄰詩曰錦里先生烏角巾園收芋

栗未全貧慣看賓客兒童喜得食階除烏雀馴秋水纔

深四五尺野航恰受兩三人白沙翠竹江村暮相送柴

門月色新 又過南鄰朱山人水亭詩曰相近竹參差

相過人不知幽花歌滿樹小水細通池歸客村非遠殘  
樽席更移看君多道氣從此數追隨 又比鄰詩曰明

府豈辭滿藏身方告勞青錢買野竹白幘岸江皋愛酒  
晉山簡能詩何水曹時時訪老疾步履到蓬蒿 張謬

岐王宅詩曰王女貴妃生嬰兒始發聲金盆浴未了綢  
子繡初成翡翠雕芳褥真珠帖小纓何時學健舞鬪取  
落花輕 錢起宴曹王宅詩曰賢王駟馬退朝初小苑  
三春帶雨餘林沼蔥蘢多貴氣樓臺隱映接天居仙雞



引敵穿紅藥宮燕銜泥落綺疏自歎平生相識願何如  
今日廁應徐 于鵠題鄰居詩曰僻巷鄰家少茅簷喜  
並居蒸梨常共竈澆薤亦同渠傳屐朝尋藥分燈夜讀  
書雖然在城市還得似樵漁 白居易卜居履道詩曰  
游宦京都二十春貧中無處可安貧長羨蝸牛猶有舍  
不如碩鼠解藏身且求容止錐頭立免似漂流木偶人  
但道吾廬心便足敢辭湫隘與囂塵 又曰莫嫌地窄  
林泉小莫厭家貧活計微大有高門空鎖宅主人到老

不曾歸 又刺處奢詩曰杏為梁桂為柱何人堂堂李

開府碧砌油軒色未乾去年身沒今移主高其墻大其  
門誰家第宅盧將軍素泥木板光未滅今歲官收別賜  
人開府之堂將軍宅未造成時頭已白逆旅重居逆旅  
中身是主人心是客更有愚夫念身後心雖甚長計非  
久窮奢極麗越規模付子傳孫令保守莫教門外過客  
聞撫掌回頭笑殺君君不見馬家尚猶存宅邊頭作奉  
誠園君不見魏家屬他人詔贖賜還五代孫儉存奢失

今在目安用高墻圍大屋 吳融廢宅詩曰風飄碧瓦  
雨摧垣却有鄰人為鎖門幾樹好花閒白晝滿庭芳草  
易黃昏放魚池涸蛙爭聚栖燕梁空雀自喧不獨淒涼  
眼前事咸陽一火便成原 皮日休襄川漢陽王故宅  
詩曰碑字依稀廟已荒猶聞耆舊說賢王林園一半為  
他主山水虛言是故鄉戟戶野蒿生翠瓦舞樓栖鴿汚  
雕梁潑天功業緣何事不得終身是霍光 方干題故  
人廢宅詩曰舉目淒涼入破門鮫人一飯尚知恩閒花

舊識猶含笑怪石無情更不言樵叟和巢伐桃李牧童  
兼草踏蘭蓀壺觴笑引隨風去惟有聲聲蜀帝魂 宋

張耒京師廢宅詩曰當道朱門日日扃高堂歌吹久無  
聲古窗積雨昏殘壁朽樹經陰常寄生門下老人時灑  
埽舊時賓客歎平生豔姬嬌馬知何處獨有庭花空自  
榮 又司馬光和景仁卜居許下詩曰壯齒相知約歲  
寒索居今日鬢俱斑拂衣已解虞卿印築室何須謝傳  
山許下田園雖有素洛中花卉足供閒他年決意歸何

處便見交情厚薄間 元李俊民宋玉宅詩曰離騷經

裏見文章水綠山青是楚鄉往事一場巫峽夢秋風搖

落在東墻 趙孟頫德清閒居詩曰已無新夢到清都

空有高情學隱居貧尚典衣貧購畫病思棄研厭求書

圉人焚積夜防虎谿女叩扉朝賣魚困即枕書饑即飯

謀生自笑一何疎 宋元廢宅詩曰金谷花開得幾春

東風吹逐路傍塵蛙鳴私地為官地燕認新人是故人

朱履賣錢豪客散玉釵乘傳舞蛾顰獸環一鎖歌鐘斷

時有鴉聲恐四鄰 周權張氏新居詩曰小雨東風拂

袂寒神仙華屋畫圖看茶香入座午烟歇花影壓簾春

晝閒翠竹白沙泉細細朱闌玉樹烏關關客來一笑推

棋局坐占溪南十里山 明高啟丁令威宅詩曰令威

作仙天上去舊宅留在空山阿千年宅廢但移井何處

更聞華表歌南陌黃塵促去客東流碧海絕迴波鶴歸

重覽應惆悵地上丘墳今又多 又寄題內弟周思敬

野人居詩曰野人何處是幽棲聞道天隨舊宅西半屋

圖書春落蠹一村花柳書鳴雞分泉自汲烹茶水待雨  
惟耕種藥畦日暮扁舟欲相訪恐驚鷗鳥過前溪

原賦魏曹植閒居賦曰何吾人之介特去朋匹而無儔  
出靡時以娛志入無樂以消憂何歲月之若驚復民生  
之無常感陽春之發節聊輕駕而遠翔登高丘以延企  
時薄暮而起予仰歸雲以載奔過蘭蕙之長圃冀芬芳  
之可服結春蘅以延佇入虛廓之間館步生風之廣廡  
踐密邇之修除即蔽景之元宇翠鳥翔於南枝玄鶴鳴

於北墅青魚躍於東沼白鳥戲於西渚遂乃背通谷對  
綠波藉文茵翳春華丹轂更馳羽騎相過 晉潘岳閒

居賦曰岳讀汲黯傳至司馬安四至九卿而良史書之  
以巧宦之目未嘗不慨然廢書而歎曰嗟乎巧誠有之  
拙亦宜然於是覽止足之分庶浮雲之志池沼足以漁  
釣舂稅足以代耕灌園鬻蔬供朝夕之膳牧羊酤酪俟  
伏臘之費此亦拙者之為政也乃作閒居之賦於是退  
而閒居於洛之溪身齊逸民名綴下士陪京汭伊而郊



後市浮梁黜以徑度靈臺傑而高峙窺天文之祕與究  
人事之終始爰定我居築室穿池長楊映沼芳枳樹籬  
游鱗澆滸菡萏敷披竹木蓊藹靈果參差張公大谷之  
黎梁侯烏桕之柿周文弱枝之棗房陵朱仲之李靡不  
畢植三桃表櫻胡之別二柰曜丹白之色石榴蒲萄之  
珍磊落曼衍乎其側梅杏郁棣之屬繁榮藻麗之飾華  
實照爛言所不能極也菜則蔥韭蒜芋青笋紫薑蘘荷  
依蔭時藿向陽綠葵含露白薤負霜柳垂陰車結軌陸

摘紫房水掛蘋鯉或宴於林或楔於汜  
庾闡閒居賦

曰於是宅鄰京郊宇接華郭聿來忘懷茲焉是托鳥棲  
庭林燕巢於幕既乃青陽結蔭木槿開榮森條霜重綠  
葉雲傾陰興則暑退風來則氣清前臨塘中眇目長洲  
晨渠吐溜歸朝夕流顧有崇臺高觀凌虛遠游若夫左  
瞻天宮右眇西嶽薨飛彤素嶺敷翠綠朝霞時清滄浪  
靡濁黃綺絜其雲棲漁父欣其濯足至於體散玄風神  
陶妙象靜因虛來動率化往蕭然忘覽豁爾遺想榮悴

靡期孰測幽朗故細無形骸之狹巨非天地之廣音興  
於萬韻理絕乎一響 東晉近游賦曰世有逸民在乎

田疇宅彌五畝志狹九州安窮賤於下里冥玄澹而無  
求乘簞輅之偃蹇駕蘭單之疲牛連掣索以為鞅結斷  
梗而作鞦攀華門而高蹈竭徘徊而近游井則兩家共  
一園則去舍百步貫雞陂於歲首收綈繡於物互其男  
女服飾衣裳之制名號詭異隨迭設繫襦以禦冬脅汗  
衫以當熱帽為四角之縫裙為數條之殺書兒啼於客

堂設杜門以避吏婦皆卿夫子呼父字及至三農間隙  
邁結婚姻老公戴合歡之帽少年著最角之巾 梁沈

約郊居賦曰惟至人之非已固物我而兼忘自中智以  
下愚咸得性以為場伊吾人之褊志無經世之大方思  
依林而羽戢願托水而鱗藏值龍顏之鬱起乃憑風而  
矯翼指皇邑而南轅駕修衢以騁力余平生而耿介實  
有心於獨往思幽人而軫念望東舉而長想本忘情於  
徇物徒羈紲於天壤應屬歎於牽絲陸興言於世網爾

乃傍窮野指荒郊編霜莢葺寒茅構栖噪之所集築町  
疇之所交因犯檐而刊樹由妨基而剪巢織宿楚而成  
門籍外扉而為戶既取陰於庭樾又因籬於芳杜其水  
草則蘋萍芡芰菁藻蒹菰石衣海髮黃荇綠蒲動紅荷  
於輕浪覆碧葉於澄湖其陸卉則紫鼈綠蔬天薯山韭  
雁齒麋舌牛唇蝼首若乃園宅殊制田圃異區李衡則  
橘林千樹石崇則雜果萬株並豪情之所侈非儉志之  
所娛欲令紛披蓊鬱吐綠攢朱開丹房以四照舒翠葉

而九衢其林鳥則翻泊頡頏遺音下上楚雀多名流鶯  
雜響或斑尾而綺翼或綠衿而絳穎好葉隱而枝藏乍  
間關而來往其水禽則大鴻小雁天駒澤虞秋鷺寒鷺  
修鷁短鳬翅攄流而起沫翼鼓浪而成珠其魚則赤鯉  
青魴纖鱗巨鰈碧鱗朱尾修顱偃頤小則戲渚成文大  
則噴流揚白惟鍾巖之隱鬱表皇都而作峻蓋望秩之  
所宗含風雲而吐潤孤嶺橫挿洞穴斜經千丈萬仞三  
襲九成亘繞州邑款跨郊垌素烟晚帶白霧晨縈近循

則一巖異色遠望則百嶺俱青時言歸於陋宇聊暇日以翱翔獸依庭而莫駭魚物治而不綱晚樹開花初英落蕊異林而分丹素因風而雜紅紫紫蓮夜發紅荷曉舒輕風微動芬芳襲余冰懸堦而帶坻雪縈松而蔽野鴨屯飛而不散雁高翔而欲下傷余情之頽暮憂與愁其相溢悲異軫而同歸歡殊方而並失時復託情魚鳥歸閒蓬華傍闕吳娃前無趙瑟惟以天地之恩莫報書事之官靡述徒重於高門之地不載於良史之筆長太

息以何言美愧心之非一

原銘晉習鑿齒諸葛武侯宅銘曰達人有作振此頽風  
雕薄蔚采鵠闌惟豐義範蒼生道格時雄自昔爰止於  
焉盤桓躬耕西畝永嘯東巒迹逸中林神凝巖端罔窺  
其奧誰測斯歡堂堂偉匠婉翮揚朝傾巖搜寶高羅九  
霄慶雲集矣鸞駕亦招

原啟梁元帝謝勅賜第啟曰竊以漢賜五倫實云清吏  
魏寵衛臻用旌庸直未如靈光輪奐睢陽爽塏北連城



闕有似甄侯之舍東望市廛榮深豫章之圃昔狼望未  
平冠軍辭宅馬池猶隔雍丘讓邱臣慚霍曹遠志但識  
君命無違再思庸陋九頒非答 劉孝儀為王儀同謝

宅啟曰昔晏嬰湫隘齊景營其爽塏孫歷無家晉武為  
之築館或功高千載德重一時故蒙考室之榮以降葺  
宇之澤並辭而處傳芳前載臣才愧昔人恩同徃哲豈  
宜妄荷重增疵吝但匈奴未滅遽當輪奐之美環堵為  
室遂得歌笑於斯 又為武陵王謝賜第啟曰竊以南

望朱鳥北距蒼龍右帶御溝左迴青路異晏嬰之湫隘  
同潘岳之閒居臣幼自宮掖長游城府雖輪奐之美多  
門而館第之私未暇今輕舟將反高門遽錫遂葺家築  
室百堵皆興雲屋連甍一朝弘敞庾肩吾謝東宮賜

宅啟曰肩吾居異道南才非巷北流寓建春之外寄息  
靈臺之下豈望地無湫隘里號乘軒巷轉旛旗門容憶  
蓋況乃交垂五柳若元亮之居夾石雙槐似安仁之縣  
却瞻鍾阜前枕洛橋池通西舍之流窗映東鄰之棗來

歸高里翻成待封之門夜坐書臺非復通燈之壁才下  
應王禮成溫阮官成名立無事非恩

原表晉陸雲聞起西園第且遵節儉之制表曰臣聞有  
國者不患宮室之不崇患在令名之不立是以賢人之  
在富貴莫不卑身節欲損己挹情用能保其國家令聞  
百世歷觀古今以約失之者實寡以奢失之者蓋多世  
祖武皇帝富有四海貴為天子居無離宮之館身御家  
人之服先帝豈欲以此道止於治身而已者哉固將必


欲遺訓百世貽燕子孫此固殿下所宜祇奉也

御定淵鑑類函卷三百四十五

謹案第九頁後八行帝謂司空穆亮僕射李冲曰  
刊本脫亮僕二字據後漢書增

第十八頁前二行堂無慮費二十萬緡按唐書堂  
上當有其寢二字





總校官庶吉士臣張能照

校對官檢討臣王福清

謄錄監生臣于飛鳳